

licebit? In eum enim desiderant angeli prospicere. A Desiderium autem efficientiam quærerit. Quo modo ergo videbit? In carne utique existens, poterit intueri carnalem, Dei quippe Filium, in eo jam quod incorruptibiliter resurrexerit, immortalem. Utique etenim, et homo per se, et Deus, Dei sunt Filius. Cum hoc careat nomine, nec mortuus nec sepultus.

Per lucide etiam valet intelligi quod in carne sua, hoc est in eadem, qua est ipse humana natura, constitutum Job suum Salvatorem se visurum spondeat. Mortalis quoque ac rationalis naturae individuum signans, quod dixit inculcat: *Quem visurus sum, inquit, ego ipse, et non alius* (*Job. xiii, 27*). Qui alius procul dubio quodammodo esset, si hominem exuens, spiritus remaneret. Tertio denique id replicat: *Et oculi mei conspecturi* (*ibid.*), Ubi oculos adeo vigilanter expressit, corpus plane Dei futurum, quod visurus esset, innotuit. A corpore autem divinitatem videri fas non est.

Ecce contra Dei hostes, contra inimicum et defensorem arma præsumpsimus; quibus egimus quod potuimus, non quod debuimus. Multa suppressimus, quia ambigua de eorum voluminibus ponere testimonia supersedimus. Nil enim agit exemplum, quod item litem resolvit. Si perfidis ac derisoribus videtur inane quod fecerim, fidelibus, qui talia ventilare non audent, aut nesciunt, non imminero fortassis placuerim, quia si non valde utiliter, valde tamen fideleriter quæ injuncta suere compleverim. Si quid infamiae pro hoc ipso, sive laudis acquiritur, merito tibi, Pater, qui id imperasti, aserabitur. Si enim bene, fidei et precum tuarum fructus est; sin male, inconsideratus utroque ausus est. Nemo me arguat, errores improbissimos, cum sim tenuis et stolidus, objurgantem. Meminerit asinam prophetæ insipientiam, castigantem. Melior enim sum, licet malus homo, quam bona asina.

CAPUT XI.

Sed post hanc qualemcumque disputationem, cuiusdam mihi Iudei relatio non facienda videtur, quæ omni conflicitatione **281** verborum potentior aestimetur. Erat, ut testatur, Lauduni, et in quadam domo, quemdam cum Iudeo aliquo clericum disceptantem adhuc puerulus audiebat. Cumque clericus perfidi illius resistere ventositati non posset:

In nomine, inquit, Jesu Domini titionem flammansem ea parte qua ardet apprehendam nuda manu, et extra ostium domus efforam. (Focus autem propter [f., prope] erat.) Nec Iudeus obnittitur, in fide Jesu sui utrum ureretur opperiens. At clericus mirabili crudelitate servescens candentem accipit dextra reustum, et longas, quæ voluit morositate, deportat, et projecto illæsam monstrat ab igne manum. Miratur ille nequam, sed ad fidem miraculo non pulsatur. Id ipsum etiam ab eo qui mihi retulit non nisi præstigiis comparatur.

Dicite, miserrimi, nonne nomen deitatis est, cui elementa obtemperant? Sed vos dicitis quia in terra positus se nunquam dixerit Deum. Cum enim an Deus esset sciscitanti, intulit: *Tu dicas* (*Matth. xxvii, 41*), Est ut dicitis, ac si diceret: Tu quidem dicas, sed ego non dico. O recordes! attendite quod sequitur: *A modo videbitis Filium hominis sedentem a dextris Dei et venientem in nubibus cœli* (*Matth. xxvi, 64*). Nempe et proditori significando idem dixit: Dicenti namque, *munquid ego?* ait *Tu dicas* (*Matth. xxvi, 25*). Subaudis rem quæ est. Taceo de cæteris, qui corporaliter gestis intendunt. Joannem legite, in quo nihil pene aliud quam de sua cum Patre consubstantialitate proloquitur. *Creditis,* inquit, *in Deum, et in me credite* (*Joan. xiv, 1*). *Ego in Patre, et Pater in me est.* Qui credit in me, videt et Patrem (*Joan. ix, 10*), et millia horum similia.

FINIS.

VEN. GUIBERTI ABBATIS

EPISTOLA

DE

BUCELLA JUDÆ DATA ET DE VERITATE DOMINICI CORPORIS.

282 Patri et domino Sancti Nicolai priori SIGFRIDO [al., Vincentii abbati SIGFRIDO, frater, etc.] GUIBERTUS Dei familiæ, quæ est apud Novigentum minister, quæ Dei sunt simpliciter quærere ac amplecti. Quæ questionem quam mihi tua ingessit sanctitas vñrum videam, nequm enucleare valeam, nescio.

Primo etiam horrori mihi est, si aliqua dicam; in quibus videar Patrum sententiæ refragari. Unde peto, ut si quæ non tamen præter regulam dixero, ea audias intentione qua dicam. Dicam enim sine præjudicio melioris sententiæ palpantis potius animo quam nitentis.

CAPUT PRIMUM.

QUÆSTIO I.

Quæstio est magistros Ecclesiæ clariores, Augustinum videlicet (*enarr. in psal. x, tom. VIII*, et *in Joan. tract. 26, tom. IX*), ac Leonem (*serm. 3 de pas. Dom.*) consentire, quod Judas cum cæteris apostolis eucharistiam de Domini manu suscepit. Hilarium Pictaviensem (*com. in Matth., can. 50*), Capuanumque Victorem ab hac intelligentia quod acceperit dissentire. Illud, nisi fallor, dictorum suorum argumento habentes, quod cæteris sacramento participantibus, buccella prebita simplici scilicet pane, suum Dominus insignierit proditorem.

QUÆSTIO II.

Illud quoque, ad nostri adumbrationem sacrificii a quibusdam objectari solere, quod sacramentum hoc, signum magis quam veritas fuerit, et ideo Judæ, quem ante digbolum vocaverit, idipsum Dominus irretractabiliter dederit. Hoc in litteris a te datis ita proponitur.

Quibus ego subinfiero, quia sive veteres, sive novi, quicunque super hac re altercantur ac disputant circumstantiam lectionum minus plene considerant. Nam apostolis vetus pascha secundum Matthæi dicta cœnantibus, nullo excepto dicuntur: *Accipite, et comedite* (*Matth. xxvi, 26; Marc. xiv, 25; Luc. xxii, 14*). Et porrecto calice postmodum aperius: *Bibite ex hoc omnes* (*ibid., 27*). In Marco quoque, *Biberunt, ait, ex illo omnes* (*Marc. xiv, 23*). Porro Lucas primum eum ad esum paschæ discubuisse asserens, et duodecim apostolos cum eo (*Luc. xxii, 14*), quod et Matthæus et Marcus dicunt, post dationem calicis insert: *Accipite, et dividite inter vos* (*ibid., 18*). Sed et panem gratias agens, et fregisse, et eis dedisse subscribitur.

Si ergo de calice ab omnibus facta inter eos divisione combibitur, Judas nullatenus excipitur; qui a pedum lavatione apud Joannem nequaquam, cum iam conscius esset proditionis, excluditur. Etsi enim nulla admitteretur auctoritas, multa tamen ratio suppeteret, pro sola conceptione criminis, quem aperta opera non probarent, hominem a suis gradibus, et commilitonum communi gratia nullatenus arcendum. Ipse enim dixerat, et diffiteri non poterat: *Nolite judicare* (*Matth. vii, 1*). Quod in arcanis peccatum adhuc latens, qui omnes ad salutem compellare venerat, nequaquam tunc temporis damnare debuerat. Quod autem de calice dicitur, par est ac si eadem evidenter etiam de pane diceretur, cum in utroque dignitas par, imo identitas, habeatur.

Qui enim ei et baptizandi, dæmonia ejiciendi morbosque curandi cum cæteris jus dederat, si ad ultimum ei maligna tractanti collatam aliis gratiam detraxisset, causas ei forsitan peragendæ proditoris auxisset. Quid enim virtus, quæ operatur, juxta Apostolum, in salutem omni credenti (*Rom. i, 16*), nisi Spiritus sanctus est, ex quo potestas super dæmonia languoresque curandas emergit? *Dedit, inquit, eis virtutem et potestatem super omnia dæmonia* (*Luc.*

A ix, 1), etc. Qui etsi cum sit spiritus disciplinæ, quantum ad suam ipsorum salutem fictos effugiat; fidei tamen aliorum adjumenta ministrat. Cui ergo spiritum quem Petro dederat ad miracula non negavit, merito nec mysteria aliis communia detrectavit.

At si de buccella agitur, quæ ei intincta porrigitur, signum fuit, et non signum: signum plane proditoris, sed non signum sacramenti; quæ etiam ante traditionem novi illius sacrificii, Mattheo et Marco testibus, dum **283** quis esset proditor quereretur, data est (*Matth. xxvi, 22; Marc. xiv, 19*), quæ quoque si quid sancti in se habuit, non ex mutatione sui aliqua, sed ex tactu forsitan Salvatoris accepit. Et diaboli ille introitum non tam pro indigna susceptione ipsius offulæ quam pro sua erga corripientem Dominum impudentia et incorrigibilitate commeruit.

CAPUT II.

Porro de inconvenientia Evangeliorum super capitulo illo: *Verumtamen manus tradentis me, necum est in mensa* (*Luc. xxii, 21*), quod Matthæus Marcusque præscribunt (*Matth. xxvi, 23; Marc. xiv, 19*); Lucas vero corporis Dominicæ traditioni subscribit. Si tibi respondeam, cirèa vilem et patulum morabor orbem, cum pene ridendus sit, qui hoc quæsiit quasi qui in scirpo nodum repererit. Si enim ordinem capitulorum eadem dicentium, vel inter se dissonantium, in Evangelii quæras tam præposterrata, aïdo immutata invenies, ut de tantillò hoc tibi videatur magistros interpellasse fatutas. Sive enim præcedat, sive sequatur hoc verbum, nil officit. Sed in harum partium de quibus agimus, controværia quæ videtur plurima non epistolæ sed libri necessarii sunt. Et certe in ipso paschæ veteris epulo, et post novi traditionem mysterii, aliquantus ad mensam illam proditori concessus fuit, et temeraria utrique edulio manus apposuit. Aut quid mirum si tempus pro tempore ab evangelista positum est, ut diceretur: *est, pro fuit?* Scias quia istic dicendorum copia me inopem facit.

CAPUT III.

Agit contra Berengarianam heresim. — Sed quoniam de Domini corpore objectiunculas fieri epistolæ auctor dicit, quod signum, et non veritas extet, pauca etsi exilia, super eo contemplemur. Si umbra est, et non corpus, in umbram de umbra decidimus, imo in deteriora valde devenimus. Si boves, arietes, capræ, turtures, columbæ; et passeræ, olim peccatum fuerant, hostia videlicet pro peccato, ita ut carnis justitiae vocarentur, et secundum conscientiam salvum non possent facere servientem, quanto minus si species creditur, et non res, illa tantilli panis adeo miserabilis quantitas, omni animalium remedio indigna erit, de quo si manducaverimus, non abundabimus, si non manducaverimus, non usque desciemus.

Si ergo utrumque species, et in neutro veritas, novum baptismati Joannis æquabitur, in veteri non

proderit interna utilitas, sed materiei pretium præeminebit, quantum animalia rei exanimæ, quantum ea quæ caro emuntur, panibus, obolo similibus, præstant. Et certe vetus alio quoque modo prævalere probabitur. Si verum est quod ab auctoribus traditur, quo quidem nil verius, ante circumcisio-nem originale peccatum sacrificiis solvebatur. Hæc autem hostia nostra passo semel Domino, si sola passi figura, ut dicitur, sit; si quid veri efficiat, ne-scio. Quod si sola mortis illius memoria est, quasi aliqua aut Dei, aut sancti cuiuspiam, quæ in Eccle-sia pingi solet imago, perfunctoria est. Quod ergo solum præfert rudium oculis monumentum, parvum, aut nullum præstat sapientibus adjumentum.

Sed scire velim quare calix sanguinis novi et æterni testamenti dicitur (*Matth. xxvi, 28; Marc. xiv, 24; Luc. xxii, 20*), ubi quid innovatur, vetu-stas abrogatur. *Quod enim antiquatur et senescit prope interitum est (Hebr. viii, 13)*. Vetustas in pec-cato si est, et novitas in gratia; gratia ipsa nulla est, nisi ad æternitatem possit. Æternum autem quiddam testatur, et spondet. Magni igitur cujusdam boni effectiva, et non inanis, aut umbratica est. Unde et in consecrativo canone calix isdem mysterium fidei appellatur; mysterium enim non modo in bono, verum et in malo, et in nugis accipitur. Nam et mysterium iniquitatis dicitur; et inter agen-dum comediam, si videoas, quid significet actus ille interrogas. Est ergo utrumque mysterium, sed nul-lam utilitati querentium exigens fidem, quid itaque sibi vult adjectivum, *fidei*? Est plane ac si diceret: Arcanum totius fidei, in quo scilicet universæ no-stræ credulitatis majestas latet; unde ut sequentia dicunt; ipse calix sanguinis fructum in se portat nonnisi divinum, remissionis videlicet peccatorum.

Dicant ergo quænam umbra est, quæ tantam par-turit veritatem. Miror quoque quibus auribus au-diant ipsius verba veritalis, *Caro mea vere est cibus sanguis meus vere est potus (Joan. vi, 56)*, ubi vere quidpiam est; sola species aut sola umbra quomodo est? Et certe si post orationem sacerdotis species panis demutaretur in carnem, contentio sopiretur. Ideo igitur objectores circa speciem exercentur. Quod si species est, et nil habet amplius quam petra, quæ secundum Apostolum Christus est (*I Cor. x, 4*), miror quare petras, ligna, et cætera quæ Christum in Scripturis significare dicuntur, non ea aspersione, et laude prosequimur, qua illam hostiolam panis, ac vini, quæ in altari conficitur, quare non ea « benedicta, adscripta, rata; » et rursum « pura, sancta, et immaculata; » vitæ quoque æternæ, » aut « salutis perpetuæ; » et ultimum postquam « in sublime Dei altare per manus angeli » **284** sacerdotis precatione deferentur, quod non est aliud quam Christi corpus extra quod omnis hostia vacat: quare non iterum sanctificata, vivificata, ac benedicta vocamus?

Si ergo, ut illa omittam, hostia per sanctificatio-nem vivificari dicitur, cui Dominicum congruit di-cutum: *Qui manducat non aliud quidlibet sed me,*

A vivit propter me (*Joan. vi, 58.*), cesset umbra, ces-set species, vitæ ac salutis effectiva quædam in his mysteriis anima sentiatur. Et, o recordia, elemento baptismatis per Trinitatis invocationem tantum de-fertur, ut simplices aquæ ad peccata eluenda secun-dentur, ac vivificantur, et huic sacramento quod proprio Dei verbo conficitur, sola stolida figura tri-buitur! Dicant qui hoc signum sine veritate asserunt; ipsum cōrpus Dominicum in terra degens signum-fuisse, dum aliud patet, aliud latet. Latentem ergo Dominum in homine diffitebimus? Ipse resurgens a mortuis claritatem, quam resurrecturis spoponderat, discipulis non ostendit, quam tamen ante passionem in monte coram Petro, Joanne et Jacobo transfigu-ratus ostenderat. Quem humilem dispensative statum **B** exhibuit, ne incognitum aliquid rudibus aut insolitum ostentaret, unde quos erudire debuerat, eorum sensus magis obtunderet. Quid quod in cœlo positus ne vulnera quidem sua obducere aut servilem formam quam futuro repræsentabit judicio exuere voluit, imo post judicium transiens de humano in divinum statum sese rursum alterabit? Si in illa quæ Deus et homo est substantia tanta specierum mutatio fuit, et est, et adhuc futura est, in ista, quæ interim in præsenti ad nostræ misericordie munimentum et consolationem præstata est, nova crea-tura et ad Dei ac hominum unionem, mirum ne est si in hac ipsa specie panis ac vini ob humani sensus horrorem sic relicta, fidem nostram Deus exerceat?

Certe ipsa Trinitas, quæ in hac vita necessario propter nos dieit, in Deo substantialiter minimè prædicatur; quia sensus noster, qui hic non nisi per syllabas et spatia de Deo imbuitur, in æternitate illa-sine ulla morulis, ac nominibus in lumine videndo lumen agnitione deitatis impletur. Si hæc et alia quæ non videmus credimus, ut est in baptimate remis-sio, supplicia in inferno, præmia in regno, quare hic appulsi dicimus, quomodo poterit Deus parare mensam in deserto? (*Psalm. LXXVII, 19.*) Et si multis et bonis et malis quæ non vidimus, credimus, ut quid in uno offendimus, et alias potentem, hic impoten-tiem Deum dicimus? Ne ergo concidamus a facie ejus, quasi inimici ejus, quia veritas et misericordia **D** Dei sit in Christo fateamur; et quia in nomine Patris venit, super carnales hostias exaltari cornu eius.

CAPUT IV.

Alludit his sensibus illud quod in libro Regum ad Eliam dicitur: *Recede hinc, inquit, et vade contra orientem, et abscondere in torrente Carith, qui est contra Jordaniem, et ibi de torrente bipes (III Reg. xvii, 3)*. Elias, qui interpretatur Deus meus Dominus, Judaicum populum signat, cui in sua ipsius lege creberrime inculcatur, *Ego Dominus*, huic imperatur ut hinc, id est, ab infidelitate recedat, quod in Abraham primitivo factum constat. Contra orientem jubetur ut vadat, id est ad Dei cognitionem se diri-gat. *Contra namque non solum pro adverso, sed*

et pro directione s^epe ponitur. In torrente absconditur, dum intra legis scientiam a multis quae legi prohibentur vitiis contutatur, et recte ipsa torrens dicitur, quae non immutabiliter, sed perfunctorie, et quasi ad tempus datur. Unde et a Paulo *saculare* vocatur (*Hebr. ix, 4*). Carith autem vocabatur, quod *occursus ignis* interpretatur, quia quo magis legis mandato ab illicitis arcebatur, eo amplius concupiscentiarum occursibus pulsabatur. Ignis enim concupiscentia est. Unde Apostolus: *Concupiscentiam, inquit, nesciebam, nisi lex diceret; Non concupisces* (*Rom. vii, 7*). Contra Jordanem est, quia non aliud, quam secundum gratiam baptismatis vivere volentium præsagium, imo auspiciu^m est. Lex enim pædagogus noster est in Christo. De torrente, inquit, bibit, dum qualecumque vapidum, scilicet intellectum, de legis scientia populus habuit.

Corvis præcipit Deus ut ibi eum pascant, dum sacerdotibus nimia sacrificiorum ambitione rapacibus injungit, ut eum doceant; quibus Dominus: *Vos, at, fecistis hanc domum speluncam latronum* (*Matth. xxi, 13*). Sed et Elias in torrente cum plebs, ut juxta Apostolum loquar, requiescit in l^ege. Corvi deferunt panem et carnes mane, similiter panem et carnes vespere (*III Reg. xvii, 6*), dum in prosperis et adversis, quod est mane et vespere, temporalem jucunditatem, quod panis significat, per sacrificiorum assiduitatem, et carnales observantias populis pollicentur. *Post dies autem siccatus est torrens* (*ibid., 7*), quia post illuminationem Evangelii, gratiarum legalis doctrinæ rudimentum visum est credentibus ad salutem minus sufficiens: *Non enim pluerat super terram* (*Gen. ii, 5*), quia adventus Salvatoris nullam in libris veteribus, qui non nisi terrena promittente videbantur, infuderat intelligentiam. Unde est: *Virutem operum suorum annuntiabit populo suo, ut det illis hereditatem gentium* (*Psal. cx, 6*).

Factus est igitur sermo Domini ad eum dicens: Surge, vade in Sarepta Sidoniorum et manebis ibi (*III Reg. xvii, 8, 9*). Sermo Domini fit, cum Verbum invisible creatura factum apparuit. Ut surgat hortatur, quia ut ab insimis ad superna aspiret per novam gratiam incitatur. In Sareptani ire jubetur, cumque sit intra se tribulatio panis, id est penuria divinæ intelligentiae, scire commonetur; Sarepta quippe *tribulatio panis* interpretatur. Quod enim in Evangelio tres panes propter Trinitatem (*Luc. ii, 5*), hoc hic singulariter intelligitur propter unitatem. Hæc Sarepta Sidoniorum est, quia hæc egestas qua quis tribulatur in eis potissimum est qui carnalia inutiliter venantur. Sidonia enim *venatio inutilis* interpretatur. Ibi quoque manere præcipitur, dum in hac consideratione non horarie, sed stationaliter persistere edocetur.

Præcepit ibi mulier vidua ut pascat te (*III Reg. xvii, 9*), id est mandavi Ecclesiæ crucifixi Domini morte viduatæ, sine ulla panis et carnium matutini aut vespere memoria, ut simplicis documento fidei

A eruditat te. *Cumque venisset ad portam civitatis, apparuit ei mulier vidua colligens ligna* (*ibid., 10*). Porta civitatis ipse est qui dicit: *Ego sum ostium* (*Joan. x, 9*). Est autem Ecclesia civitas, quia ibi unum cor habentes communiter ducunt vitas. Jure ergo primum ad portam venitur: tuncque mulier vidua apparet quia primum Christus agnoscitur, tuncque demum quid sit Ecclesia patet. Hæc ligna colligit, quia utrumque populum in se cœnit; quod enim paries alibi signat, hoc istic lignum non inconvenienter ostentat, nam duo ligna crucis sic ista portendunt, ut alterum porrectum Judæos, ac si unicorneres innuat; alterum transversum gentiles, ac si e diverso subintroductos ostendat.

B *Et vocavit eam, dixitque ei: Da mihi paululum aquæ in vase ut bibam* (*III Reg. xvii, 10*). Vocat eam cum patenter addiscit vocationis omnium fidelium causam. Aquam in vase dari sibi expostulat ut bibat, cum doctrinam non per deuteresses, ut solebat fluitantem, sed in Christo, qui est vas electum et præelectum, *in quo sunt omnes thesauri sapientiae absconditi* (*Col. ii, 3*), undecunque cohabitam et constantem, exhiberi sibi ab Ecclesia primitiva corrigit: *Cumque illa pergeret ut afferret panis, clamavit post tergum ejus dicens: Affer mihi, obsecro, et buccellam in manu tua* (*III Reg. xvii, 11*). Pergit ut afferat, cum, juxta Apostolum, lectioni intendit ut doceat. Post tergum clamat, cum aliqua Judæorum pars aversos apostolos et dicentes: *Quoniam repulisti*

C *verbū Dei, ecce convertimur ad gentes* (*Act. xiii, 46*), ad se docendam etiam precario interpellat. Ac si diceret: Hactenus me corvi sacrificiorum carne paverunt, amodo non panem, sed buccellam panis, quod prægustari potius quam exsatiare valeat, tua mihi doctrina suggerat. In corpore enim Dominicō, quod ex ejus mensa prærogatur, nefarium est si quidpiam aut corporaliter saporosum aut aliqua exteriori sanctitate [*al., saturitate*] distendens præsumatur, quia quod spiritui soli est præstitum, a corporis esse debet prorsus voluptate diversum.

D Buccella ergo, quae vulgo bucca dicitur, a vidua petitur, dum non armi aut quævis frusta carnium gulæ juvant appetitum, sed panis ac vini in divinam carnem substantialiter per verba Dominica immutati, minoritas æque ac majoritas salubriter transit ad animum. Quid enim ibi quantitas, in cuius etiam atomo constat salutis universitas? Ubi notandum quod eam ut in manu sua afferat postulatur, quia in potestate utentium est quidquid inde suscipitur. Si enim in potestate nostrā est filios Dei fieri, non minus in nostro sedet arbitrio per fidei amore tanto mysterio inviscerari. Qui autem super hac re disputat, nunquam se isti interno muneri computat. Cujus edulium, quam idcirco buccellam dicimus, si quis debita parcitate non sumat, imo pestifera largitate quæ cætera quæque præsumat, in eo corpus animamque addemnat, quo animæ antidotum gulæ saporis importat, et ab escis communibus cor-

pus Domini, juxta Apostolum, non dijudicat (*I Cor.* A nem ex farina facias, scilicet nutabundum et mobilem quasi pulvrea levitate animum, rationis ac si aquae respiratione constringas. Et hunc parvulum, servando videlicet in doctrinæ tuæ exhibitione meæ capacitatibus neandum adultæ modum, hunc tamen facies subcinericum, nunquam mihi adimendo, licet in baptismo lota sint, memoriā peccatorum, quia cīnis significat acredinē pœnitentium, quibus conuenit cīnis et cilicium.

Vivit, inquit, Dominus, quia non habeo panem, nisi quantum pugillus potest capere farinæ in hydria et paululum olei in lecytho (III Reg. xvii, 12). Vivere Dominum dicit, dum eum efficacem ad tantam de substantia in substantiam immutationem fideliter sentit; nec habere se panem perhibet. nisi quantum farinæ pugillus capere prævalet, quia nil de ipsa præter speciem panis essentia in hoc sacrificio se habere sida mente confirmat, nisi quod invocatio Trinitatis sine ullo scrupulo fidelibus administrat, quod farina significat; quasi enim molitur, quo manus ingenii nulla retractione offenditur. Inde est quod crebræ crucem trinitates in sacratō caprone sunt; quia sicut in Maria carnem, sic in altari hoc mysterium Trinitas operatur. Pugillum autem tres primores digitos appellamus.

Potest et per pugillum Scriptura, quia ex iis scribimus intelligi; et est ac si diceret: Hoc quod in altari videtur substantive panem non habeo, id est non intelligo, nisi quantum capi potest ex sacra paginæ documento. Hydriam vas aquarium dici nemo hominum disertus ignorat. In hydria farina est spiritualis in hac fragili conversatione scientia; aqua namque pro scientia ponit solet. Huic scientiæ oleum additur, quia ne 286 inflet ex divina charitate conditur. Lecythus vas olearium idem significat quod in Evangelio nomen vasorum, et hydria quod lampadum.

En coilio duo ligna ut ingrediar et faciam mihi illud et filio meo: ut comedamus et moriamur (ibid.). Quod est dicere: Ecce dilectionem quæ ad Deum porrigitur, et eam quæ in amicum inimicumque distendit, quibus ab omni lascivia restringitur ac si crucifigatur animus, quasi duo ligna complector ut per hæc a mea evagatione cohinda ad me regrediar et faciam, id est figuraliter insculpam, non panem, sed illud quod in pane signatur, non tam mihi quam iis quos in fide genuero, ut comedamus quod non ore, sed pio solum affectu manditur. Et moriamur, morti videlicet, quæ per ipsum signatur sacrificium, conformemur. *Ad mensam, inquit, magnam sedisti? (Ecli. xxxi, 12.)* oportet te similia præparare.

CAPUT V.

Noli, inquit, Elias, timere, sed vade et fac sicut dixisti. Verumtamen mihi primum fac de ipsa farinula subcinericum panem parvulum, et affer ad me; tibi autem et filio tuo facies postea (III Reg. xvii, 13). Ac si diceret: Noli vereri immutationem vultus David coram Abimelech, id est translationem sacerdotii nostri ad ordinem Melchisedech, sed vade, id est processu fidei promovere, ut passioni Christi moribus configureris, cui conformia cœpisti sacramenta docere. Verumtamen mihi ex carnali observationia resipiscenti, in ipsa novi hujus mysterii scientiola ac si subtili farinula, quam ex inutilitate veterum ceremoniarum salubriorem quia veriorem jam comperi, solidum quid et continens ac si pa-

lēm quasi pulvrea levitate animum, rationis ac si aquæ respiratione constringas. Et hunc parvulum, servando videlicet in doctrinæ tuæ exhibitione meæ capacitatibus neandum adultæ modum, hunc tamen facies subcinericum, nunquam mihi adimendo, licet in baptismo lota sint, memoriā peccatorum, quia cīnis significat acredinē pœnitentium, quibus conuenit cīnis et cilicium.

Ubi jure notatur quod præmittitur primum, quia iis qui sceleratus et in Judaismo et in gentilitate vixerunt, Dei gratia consuevit exuberare potissimum. Inter quos cognovimus Paulum, qui se inter peccatores satetur primum, ut in me, inquit, Jesus Christus divitias misericordiæ suæ ostenderet primum B (*I Tim. i, 16*). Unde est: *Ubi abundavit peccatum superabundavit gratia (Rom. v, 20)*. Quod in Matheo et Magdalena etiam perpatuit factum. Pro parte ergo horum atque similium intellige dictum. Hunc panem sibi roget afferri, id est propriæ intelligentiæ penetralibus disserendo inferri. Quod sequitur, pro parte justorum, ex legis consummatione venientium, ut fuerunt Petrus, Andreas et Jacobus frater Domini, accipitur. *Tibi et filio tuo facies postea*, id est quos ad tuū conformitatem ex innocentia legis adduxeris ex peccato graviore conversis, per gratiæ indulgentiam undecunque substare cognoveris: Unde Paulus: *Nihil, inquit, minus feci ab his qui sunt supra modum apostoli (II Cor. xii, 11)*. Et: *Plus illis omnibus laboravi (I Cor. xv, 10)*.

Hæc autem dicit Dominus Deus: Hydria farinæ non deficiet, nec lecythus olei minuetur usque ad diem in qua daturus est Dominus pluviam super faciem terræ (III Reg. xvii, 14). Ac si diceret: Licet ex tuo documento Novi Testamenti, o primitiva Ecclesia, rationes acceperim, tamen ex legali et prophetica lectione Deum astruxisse compéri scientiam fidei hujus, et contemplationis, quæ est in Domini corpore subtilissima nunquam desitaram. Domum utique Domini decere sanctitudinem in longitudinem diuturnam (*Psalm. xcii, 5*), et sacerdotii Melchisedech sine jurisjurandi pœnitentia æternitatem, et donum gratiæ tanquam olei lecythum in mente Ecclesiæ perpeti redundantiæ emersurum [*al.*, surre-

D]eturum] usque ad illum sine nocte diem, quo non ab occulto spiritualis nobis unda se suggeret, sed in evidenti post resurrectionem incorruptilibus oculis corporis tanquam pluvia Dei cognitio se infundet. Ubi facies terræ tantopere ditabitur, ut in quo [*al.*, quod] mens quamvis sincerissima scintillare modo vix prævalet, ibi carnis oculus irremota et inobtusa acie intendere nunquam cesseret.

Quæ abiit et fecit juxta verbum Eliæ (III Reg. xvii, 15), et comedit ipse, et illa, et domus ejus. Abiit, cum ex Pauli aliorumque ex Judæis sapientium plurimum primitiva Ecclesia conversione profecit. Juxta verbum Eliæ fecit, cum eos, quos erudiendos acceperat, etiam super se magistros acceperit. Ipse comedit, quia non verbo, non lingua hæc declamanda

edidicit, sed ad internam animo satis et semper A cum vitali et alios fereculo, quo apprime opinabatur. ruminanda retinuit. Ipsa; et domus ejus comedit, inficiit.

FINIS.

VEN. GUIBERTI ABBATIS**LIBER****DE LAUDE SANCTÆ MARIAE.****287 CAPUT PRIMUM.**

Se laudantes nusquam aspernatūr B. Virgo. — Feminam illam super omnes creaturas post Filium, et per Filium benedictam, omnium creaturarum sub Dei cultu dignissimam, labiis omnino fidelibus, licet minus idoneis, prædicemus. Cujus præconio cum dignitas supercœlestium inefficax aestimetur, multa tamen experientia cognitum est, quod in ejus conspectibus laus hominum atque devotio gratissima habeatur. Nec id injuria. Cum enim se hominem negare non possit, homines, pro quorum potissimum utilitate talis facta est, et talis enituit, quomodo, non dico contemnere, sed omnibus creaturis præcordialis non amare possit? Et amplius, quæ enim humano generi ad hoc proposita, imo præposita est, ut Deo gignendo sufficeret, unde aliis medendis consuluit, inde primo sibi ipsi redemptionis origo fuit, in quo ergo sibi primitus fuit, in aliis non amabit? Et quæ gloriam, quam habuit in Dei Filium pariendo, exæquavit meritis nulli a sacerdorum initiosis usque ad fines speranda credendo, quomodo non ineffabiliter aggaudeat fidei nostræ, quæ ipsum Deum habet Filium pro præmio fidei suæ?

Ejus fides. — In ejus conceptionis denuntiatione, illud miraculi ullis ingenis comprehendendi non prævalet, quod puerilla, et meticulosa sexu, et inuisita aetate, cum sibi angelus insolita et inaudita sponderet, fidem tanta dare celeritate potuerit; quod certe non aliter valebimus compensare mirando, nisi hanc primum intellexerimus inter omnes homines unice nutritam a Spiritu sancto. Nisi enim, plusquam humana consuetudo patitur, divinum, majestativumque quiddam ipsa ab ineunte aetate ingeniolo suo concretum cognosceret, tanta facilitate non crederet. Tanta enim excellentia promissorum in vanitati subjecto corde non caperet. Ubi quippe nulla præcesserint munia meritorum, spei magnæ emolumenta non suppetunt. Quis ergo homo perpendicular, imo excedens hominem quæ angelica natura conjiciat, quæ fuerit puritas, quod pondus, quæ gloria illi ut, ita dicam, coelesti conscientiae innupta, quæ nullis sibi præmissis Scripturarum exemplis, nullis similium a saeculo eventuum imaginibus

B exhibitis, tanto verborum privilegio sinum suæ crudelitatis expanderit?

Si Saræ, si Manue et uxori ejus, quod ad rei huius comparationem usitatissimum erat, vix astrui, vix credibile videri potuit; isti juvenculæ rerum omnium præsertim muliebrium inexpertissimæ, unde tança, ex tam simplicibus verbis angeli, tam propere fides ingeri valuit? Si Moyses post tot divinorum efficaciam signorum, qui cum Deo facie ad faciem quasi homo ad proximum loquebatur, ad contradictionis aquas distinxit in labiis suis, de cuius excellentia dicitur: *Quia mitissimus esset omnium qui morabantur in terra* (Num. XII, 3), pro cuius derogatione adversus Aaron motus Deus Maria lepra percusserit, quid putamus ex quam infinito sanctitatis fonte processerit, quod non cuicunque, sed divino conceptui, ac si semper præsagitum sibi fuisset, aurem ista adeo obtemperanter, animumque aperuit? Certe ipse Zacharias Joannis pater, legis prophetarumque doctissimus, dum filii sibi eximia cœlitus enuntiarentur origo, miserabiliter haesit. Iste, quod ex Spiritu Virgo, non mulier ex marito conciperet, dicto celebrius stetit; cui sententiae concinit quod ei ab angeloplénitudo gratiæ prædicatur, nisi enim divinæ in ea virtutis ad integrum copia confluxisset, nunquam bonorum omnium universitati Dei Filio concipiendi obedientiam, quod ineptis mentibus fabulosum videatur, impenderet. Ex munere enim supernæ infusionis, quod a primævo singulariter inolutum sibi erat, non est, tali stupesfacta de nuntio, sed omnitudine totius divinitatis exuberantiam, quasi ab aeterno cognitam, gratarter exceptit, quam ad hoc ipsum Spiritus sanctus semper imbuerat.

Quam excellens fuit illius angelo assensus. — Dicenti plane angelo: *Ecce concipies et paries* (Luc. I, 34), nunquam, quomodo possit fieri quia virum non cognoscebat, objiceret, si se ex sponso quem videbatur habere concepturam sciret. Quis ergo iste conjecturam pro tam insolita interrogatione non sumat, quod ex veteri mirabilis gratiæ experientia virginitati perpetuae inservire delegisset, quæ ex præsenti, cui jam credita fuerat viro, se parituram minime reputasset? quia enim novæ gratiæ principium ipsa erat, plane competens fuerat, ut novæ